



**R. P. Sebastiani Izquierdo Alcarazensis Societ. Iesv Regii
Senatvs S. Inqvisitionis Hispaniarvm Qualificatoris, Et
Olim Complvti Sacræ Theologiæ Professoris. Opvs
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

Izquierdo, Sebastián

Romae, 1664

Quæst. 10. Vtrum aliqua entia sint mala. Et an omne malum per solam priuationem boni tanquam per formalem malitiam constituatur. Vel sint aliqua mala in esse talium constituta per quid posituum.

[urn:nbn:de:hbz:466:1-76990](#)

quiditatum; simpliciter tamen neque est possibilis, nec bona talis bonitate; quia talis non est, qualis, si existeret, sine contradictione existaret.

Ex quo infero quintò id, quod concipitur optimum, atque adeò tum possibilis, tum existentis actualis bonitatibus præditum, quantum necessariò, evidentissime sit tale exilio ipso obiectivo conceptu intra statum quiditatum, fieri tamen posse ut revera, & simpliciter non sit tale; eo quod illum sicut ipsum obiectum conceptum, quem verissimè, & apertissimè habet in statu quiditatum, in statu existentiali revera non habet, aut etiam non potest habere; simpliciterque subinde quid non existens, aut etiam quid non possibile, sed chymaricū est.

Vnde etiam apparet, quomodo nos ex ipsis terminis neutiquam possimus indicare evidenter, immo ne probabilius quidem de ente apprehenso à nobis ut optimo, vel carente omni imperfectione, vel tali, quo melius nequeat cogitari, esse illud tale, & consequenter possibile, & necessariò existens revera, & simpliciter, in statu scilicet existentiā; quācumq; evidenter possimus, ut verē possimus, indicare de eo, esse illud tale, & ea omnia habere de suo intra statum quiditatum precisa. De quo plura diximus supra locis citatis contra Recentiores quosdam in hoc (nisi ego falor) deceptos.

Sexto infero, licet negatio existentia non possit rei purè possibili esse bona formaliter; quia non est exclusiva per se & formaliter mali, sed potius boni talis rei; posse tamen esse illi bona existentiæ, quatenus impeditiu[m] alienius mali, quod talis res subiret, si existeret; ipsique melior, quam existentia opposita, aut absolute bona dicenda veniet, quando defacto maius malum, quam bonum impediuerit tali rei. Quo sensu homini purè possibili, qui de facto damnatur, si existeret, melius est, non existere, quam existere; sive absolute bonum est non existere, iuxta illud Chisti Domini dictum de Iuda Matth. 26. Bonum erat ei, si natus non fuisset homo ille.

Septimò denique infero, licet chymaræ impossibilis præcisè ratione existentia, & aliorum predictorum, quæ ex suo conceptu obiectivo verē habent intra statum quiditatum, verē intra talem statum bona sint, ut explicatum est; adeò tamen eiusmodi bonitatem imminuit ab imperfectione impossibilitatis, sive in potentia ad existendum eis existentiā annexā, ut sumpta reduplicatiue prout impossibiles nullius estimabilitatis, nulliusque subinde bonitatis censendæ veniant. Quo sensu accipio eos omnes Auctores, qui communiter omnem illis denegant bonitatem. Etenim, cum imperfectio perfectioni, seu bonitati admixta ipsam imminuat iuxta proposit. 59. statutam q.7. tam magna potest esse imperfectio, ut bonitatem, cui admisetur prorsus absorbeat, ita, ut subiectum alias bonum per se præcise, prout ea imperfectione affectum simpliciter euadat non bonum. Talis autem censenda est imperfectio impossibilitatis, sive in potentia ad existendum, atque adeò necessitatis ad non existendum, quam habent subiecta impossibilia. Quemadmodum, tanta potest esse malitia, ut ab illa subiecta alias per suam naturam præcise bona simpliciter euadant mala. Qualis censetur esse malitia Dæmonum iuxta illud Concilij Lateran. in cap. Firmiter

de Sum. Trinit. & fide cath. Diabolus enim, & dæmones à Deo quidem naturā creati sunt boni, sed ipsi per se facti sunt mali.

QVAESTIO X.

Verūm aliqua entia sunt mala. Et an omnia malum per solam priuationem bonitatis, quam per formalem malitiam constituantur. Vel sunt aliqua mala in esse talium constituta per quid posituum.

Certissimum apud omnes est, non omnia entia mala esse. Cūm & ipsi Manichei, qui aliqua entia per suam existentiam mala ponebant, multa alia ponerent bona tum per existentia, tum ab accidentibus adiunctis. Vei revera sunt in Mundo, prout constat ex se, & ex dicitis q.8.

Certissimum etiam est, aliqua mala in Mundo esse. Id enim communis omnium sensus, & sermo paucis preferunt. In Scripturā sapientius supponitur, ac prædicatur. Ecclesiastici 11. Bona, & mala, vita & mors, paupertas, & honestas Deo sunt. Et cap. 39. Bona, & mala in hominibus tentabit. Isaiae 5. Vt qui dicitis malum bonum, & bonum malum. Matth. 6. Sed libera nos a malo, &c. Huiusmodi autem mala concreta sumpta esse aliqua realia entia mala denominata non minus est certum. Nam aliquoquin ea essent nihil; subindeque contra dicta in Mundo non essent. Difficilis ergo, quæ superest examinanda in præsenti est, per quid eiusmodi mala constituantur, in quo ve constitutat malitia, à qua eiusmodi entia mala denominantur.

Reiecio iam q.8. Manichaorum, aliorumque hæreticorum errore, qui, vt vidimus ibi, res quasdam ponebant suā naturā, perque suam existentiam malas. Communissima sententia est, omne omnino malum pro formalis, sive malitiam, à qua unumquodque denominatur malum, neutrū, quam quid posituum, sed puram priuationem debite bonitatis esse. Ita sententia videtur communiter Patres, quorum plurimos referunt Soat. disp. 11. Metaph. sect. 1. Vaz. 1. 2. disp. 95. cap. 4. & 11. Valent. tom. 2. disp. 2. q. 13. pun. 5. & disp. 6. q. 1. pun. 1. Petav. tom. 1. Theolog. dogm. lib. 6. cap. 4. & alijs. Potissimum vero August. immixtis pene in locis suorum operum disputans contra Manichæos. Atque in eadem sententia sunt per multi Scholastici cum Magistro in 2. diffo. 34. & 35. & cum S. Th. 1. p. q. 48. & 49. & 1. q. 54. 71. & 72. & lib. 3. contra Gent. cap. 7. 8. & 9. & q. 1. de malo, & peccato aliis.

Non desunt tamen multi, & graues Doctores, qui censeant, aliqua mala cuiuslibet generis non per priuationem bonitatis debite, sed per quidam posituum euadere sive constitui talia. Sic tenent Petr. Hurt. disp. 7. Metaph. sect. 6. Arriag. disp. 7. de Anim. sect. 1. subsect. 1. Ouidio contr. 3. Metaph. pun. 5. Lessi. de Perfect. diuin. lib. 13. cap. 26. & alijs. Et agentes speciatim de peccatis commissiōnē, quæ ē genere sunt malorum moralium, ea per quid posituum in ellenis talium constitui, docent Angles in 2. diffo. 35. q. 4. cum Scoto, Tartareto, & alijs, Lessi. vbi supra, Joan. de Roa lib. 2. de Prædest. q. 4. Anton. Perez Certam. 8. Scholast. cap. 1. Caiet. 1. 2. q. 18. art. 5. & quæst. 72. art. 1. Medin. q. 71. art. 6. vbi Zumel. disp.

disp. 5. &c 7. Vaz. disp. 9.5. Tann. disp. 2. q.5. dub.
2. Gasp. Hurt. tract. de peccatis. Arriaga cum
pluribus à se relatis tom. 3. disp. 20. sect. 4. Oviedo
1. 2. tract. 4. contr. 5. pun. 7. Requesen. lib. 3. disp.
22. & alijs.

²⁰⁶ Tertia sententia quorundam Recentiorum
est, omne malum tum physicum, tum morale
consistere formaliter in priuatione boni vnicuique
debiti; omnem tamen huiusmodi priuationem,
atque adeò omnem malitiam realiter esse indistinctam
etiam ab aliquo alio ente bono, ita Martin. de
Esparza tom. de Actibus humanis q. 29. Idemque
tenentur asserere, quotquot ex vnâ parte omnem
malitiam in priuatione boni debiti ponunt, ex
aliâ vero opinantur vniuersaliter, omnem negationem
in impedimento aliquo positivo rei negare
consistere. Contra quos nos late egimus in Pharo
Scient. disp. 9. q. 3.

Propositio 1.

²⁰⁷ Ex malis relatis physicis multa sunt,
qua per quid pure positivum reipsa inde-
pendenter ab omni verâ priuatione alicuius
bonitatis debitæ constituuntur.

Loquor de malis relatis physicis prout
condistinctis à moralibus iuxta divisionem eorum
façam q. 3. Et primum de ijs, quæ talia sunt
formaliter prout condistinctis item ab illis, quæ
talia sunt tantum causatiæ, iuxta dicta etiam
ibi. Huiusmodi autem mala eatenus talia esse
subiectis, quibus mala dicuntur, quatenus eis
disconuenientia, seu dissensanea sunt ibidem sta-
tutum à nobis est ex sententiâ communi: iuxta
quam proiade malitia formalis eorum in ipsâ
eorumdem disconuenientiâ, qua suis subiectis
disconuenientia, atque adeò mala dicuntur, con-
sistit citra dubium. Igitur, quod propositio con-
tendit est, multa huiuscmodi malorum per quid
pure positivum constitui. Sunt namque quædam
denominationes semiextrinsecè in rebus pure po-
sitiviis fundate reipsa, & importantes in suo con-
ceptu formaliter relationem quamdam rationis sup-
positiæ, iuxta doctrinam generalem de huius-
modi denominationibus traditam in Pharo Scient.
disp. 12. q. 3. atque iterum disp. 14. q. 1. siveque
alias quæ quidem relatio etiam est quid positivum
ex conceptu suo.

Etenim hoc, quod est, esse dolorem discon-
uenientem, atque adeò malum animali, in suo
conceptu reali dumtaxat includit entitatem po-
sitivam ipsius doloris, & entitatem positivam ipsius
animalis. Ab istis enim entitatibus præcise, siue
ab vnâ prout connotante alteram denominatur
semiextrinsecè dolor disconueniens, seu malus
animali; quemadmodum ab eisdem præcise
quævis earum denominationis distinetæ ab alterâ,
dissimilis illi quoad essentiam, & inæqualis quoad
perfectionem, &c. Pariterque per suas entitates
positivæ dicuntur mala esse homini error
intellectus, tristitia voluntatis, ægritudo corporis,
alioquin huiusmodi affectiopes. Et suo modo cuius-
rei naturali mala etiam dicuntur per suas
entitates positivas præcise ea omnia accidentia,
que illi disconuenientia, seu dissensanea sunt, ut
calor aquæ, humiditas igni, siccitas plantæ, &
similia.

²⁰⁹ Dices, huiusmodi accidentia non per se ipsa
mala esse subiectis, sed per priuationem, quam-

secum ferunt oppositorum accidentium eidem
subiectis bonorum, nempe dolorem per priua-
tionem voluptatis, tristitiam per priuationem
gaudij, calorem per priuationem frigoris, &c.

Sed contra primò. Quia iuxta existimatio-

nem communem, imo iuxta experientiam satis
apertam dolor positivus est, qui animal vexat, &
ipso nocet, ipsique propterea malus est per se, &
independenter à priuatione voluptatis, quam se-
cum fert. Atque adeò homines dolorem ipsum
timemus, auersamur, & fugimus dictæ priua-
tis voluptatis prorsus immemores: dumque do-
lore aliquo corripimur, non quidem ad compa-
randam voluptatem oppositam, sed ad dolorem
ipsum propulsandum tanquam per se ipsum no-
civum, malumque nobis adhibemus medicamen-
ta. Ecquis vñquam somnauit, nedum aferuit,
horribiles poenas sensuum, quas patiuntur Dam-
nati, non in ipsis cruciatibus, sive doloribus, quos
sustinent, sed in priuatione dumtaxat volunta-
rum, quas non habent, consistere? Tantumdem
que de tristitia, de errore, de cæterisque com-
memoratis malis positivis censendum est: de facto
que censet hanc dubie existimatio communis, &
sensus omnium.

Contra secundò. Nam si à priuatione vo-

luptatis opposita, & non à se ipso euaderet dolor
malus homini, æquè male se haberet homo cum
dolore valde tenui, & remissi, ac cum dolore
valde vehementer, & intenso; quod plane est ab-
surdum: quandoquidem æquè sub utrovis oppo-
sitâ voluptate priuatus esset: & iuxta consensum
communem mala merè priuativa tunc sunt æqua-
lia, quando bona, quibus priuant, aut sunt æqua-
lia, aut eadem. Nec valet, quod dicunt Recentio-
res citati pro tertia sententiâ num. 206. dolo-
rem per priuationem à se realiter indistinctam
priuare formaliter voluptate oppositâ, illamque
eo maiorem censer, (tamec si uidem semper vo-
luptatis priuatio sit), quod dolor est magis inten-
sus, eoque iure magis oppositus, sive magis im-
peditus ipsius voluptatis: subiectum enim eo
magis remotum esse à formâ, eoque magis pri-
uatum illâ, quod manus, seu magis virgens est impe-
dimentum, per quod illâ priuatur. Hæc, inquam,
doctrina non valet. Tum quia falsum est, priua-
tionem in impedimento positivo consistere rei,
qua priuare dicitur; vt constat ex generali do-
ctrina tradita à nobis in Pharo Scient. disp. 9. q. 3.
Tum quia, est id verum sit, impedimenta pri-
uanta subiectum eodem, vel æquali bono non
possunt non esse illi æqualiter mala, si ex eo præ-
cisæ sunt illi mala, quod illud priuant tali bono:
nam eorum entitatis diversitas in tali hypotesi
materialiter, & quasi per accidens se habet, vt
satis ex se videatur notum. Et sane, si ex vi solius
decreti Dei priuetur homo voluptate, maiore
adhuc, & urgentiore impedimento erit priuatus
illâ, quā si priuetur ex vi dolosis intensissimi
oppositi. Et tamen manifestum est, longè peius
se habere hominem in casu talis doloris, quā
in casu solius decreti. Qualiter non se haberet
profecto, si dolor, & decretum quatenus priuati-
ua talis voluptatis præcise essent homini mala.
Dolor igitur insuper est homini malus quatenus
ei positivæ disconuenientia, quale non est decre-
tum.

Contra tertio. Quia iuxta communem
etiam omnia sensum, & experientiam peius est
carere voluptate, & simul habere dolorem, quā
carere solùm voluptate, non habendo dolorem.

Ergo,

Tractatus VII. De' Deo vno.

472

Ergo, præter malum priuationum consistens in careniâ voluptatis prout animali dissentanea, aliud est malum positivum consistens in dolore, prout ipsi insuper animali disconueniente.

²¹³ Contra quartò. Quia sœpe mala positiva nulli sunt bonitati opposita, in cuius priuatione possit consistere eorum malitia, ut in multis doloribus corporalibus, aut etiam spiritualibus nullius opposita voluptatis impeditivis cernere est. Interdum etiam bonitas, cui malum positivum opponitur, subiectio non est debita; eiusque subiectio careniâ annexa tali malo non est priuatio, sed negatio, atque adeo neque est malitia iuxta sententiam omnium; ut in tristitia de careniâ alicuius boni non debiti videre licet. Igitur huiusmodi mala non à priuatione sibi annexâ alicuius bonitatis opposita, sed à sua positiva entitate prout subiectio disconueniente per se ipsam evadunt mala.

²¹⁴ Contra quintò quasi à priori. Quia, ut dantur accidentia, quæ per se ipsa, & non per solam priuationem sibi annexam oppositorum, sunt contentanea, sive conuenientia subiectio, atque adeo ei positiva bona, de quo nullum est dubium. Ita etiam proculdubio fatendum est, dari accidentia, quæ per se ipsa, & non per solam priuationem sibi annexam oppositorum, sunt dissentanea, sive disconuenientia subiectio, atque adeo ei positiva mala. Nulla enim est excogitabilis ratio, cur illa possibilia sint, hæc verò non item.

²¹⁵ Contra denique textò. Quia n' alium respetuum utile, quod causatiè tantum est malum, sœpe la plus constitutur in esse talis per quid positivum, de quo nullum rationabile dubium potest existere. Constitutur enim in esse talis per ipsam causalitatem seu conducentiam, qua conductit, ut existat malum formale, in eius ve existentiam influi. Huiuscmodi autem conducentiam, seu influxum sœpè ipsius esse quid positivum, est certum, ut vniueque discurrenti per omnes causas malorum formalium compertum fieri. Igitur malum item respectuum formale per quid positivum lape contulit dicendum est. Quibus iam propositio nostra latit, superque probata est, & amplius confirmabitur ex dicendis.

Propositio 2.

²¹⁶ Ex malis relatis moralibus multa sunt, quæ per quid positivum reipsa independenter ab omni vera priuatione alicuius bonitatis debita constituntur.

Mala moralia impræsentiarum appellantur peccata. Quorum alia sunt commissionis; actus nimirum per aliquam legem prohibiti. Alia vero sunt omissionis; careniâ scilicet actuum per aliquam legem præceptorum. Igitur (quidquid sit de peccatis omissionis) peccata quidem commissionis, que multa sunt ex malis relatis moralibus, constitui in esse talium per quid positivum, & non per veram priuationem alicuius debita bonitatis, assumptum nostra propositionis est.

²¹⁷ Qod probatur. Quia malitia peccati commissionis in ea dissonantiâ constituit, qua actus positivus peccati natura rationali peccantis quatenus tali dissonus, seu dissonans, seu disconueniens est. Et hæc dissonantia denominatio quedam est semiexirinseca; atque adeo relatio quedam rationis supposititia in actu peccati, fundata

in natura ipsius actus, & in natura rationali, eu dissonat cum suis circumstantijs; qua omnia positiva sunt; prout dictum in simili proposit. 1. de dissonantiâ, sive disconuenientia, qua dolor naturæ animali disconueniens, atque adeo malus est. Sed est aduertendum, actum peccati commissionis consideratum quoad substantiam, aut etiam quoad alias à libertate circumstantias materialiter dumtaxat, aut quasi physicè esse dissonum, atque adeo malum naturæ rationali prout tali: consideratum verò quatenus liberum tum quoad entitatem, tum quod eam suam materialē, aut quasi physicam malitiam iam tum formaliter, sive moraliter esse dissonum, atque adeo malum ipsi naturæ rationali; prout latius alibi suo loco expostum à nobis est. Itaque actus peccati commissionis ab ea semiexirinsecā sibi; positiva que denominatione, qua vtrouis dicto modo ipsi peccanti prout rationali dissonus, seu dissonans, seu disconueniens denominatur, eidem peccanti malus est vtrouis dicto modo; non verò ab aliquâ verâ priuatione sibi annexâ, sive quam ipse secum ferat, alicuius debita, oppositæ bonitatis.

Et primùm. Quæd actus vitiōs per se ipsum, & non præcisè per priuationem, quam fert secum actus virtuosi contrarij, homini peccanti si malus, probatur ferme, sicut in simili proposit. 1. Primo. Quia ex terminis ipsi videatur latit, superque notum, actum odij Dei, non præcisè, quia priuat opposito amore, sed per suam ipsam entitatem esse feedissimum, ac dissonansimum, atque adeo malum homini. Alsoquin homo odio habens Deum, non tam, quia odit, quam, quia non amat Deum ipsum, est reprehensibilis, & poena dignus. Quod ex se pater, esse absurdum.

Secundo. Quia, cum priuatio amoris annexa odio semper sit eadem, sive hoc valde intensus sit, sive valde remissum, si ab ea priuatione præcisè, & non à sua positiva entitate odium malum evaderet, omnia odia seu intensissima, seu remississima æqualiter protinus essent mala, nec magis reprehensibilis, majorique peccata esset dignus, qui Deum odio intentissimo, quam, qui renissimo, prosequeretur. Quod planè plus, quam absurdum est apud omnes. Id autem, quod ad illud vitandum respondent Aduersarij, fatis similis est refutum n. 211.

Tertio. Quia carere amore Dei aut non est malum, aut longè minus malum est, quam habere odium Dei, ut constat. Ergo malitia odij Dei non in priuatione amoris annexâ odip, sed in ipsa positiva entitate odij sita reipsa.

Quarto. Nam quicunque odio habet Deum, nullam habet, saltem plerunque, obligationem, quo tempore elicit actum odij, ad elicendum actum amoris oppositum. Qui subinde pro tunc non est debitus, atque adeo careniâ eius pro tunc non est priuacio, sed negatio; & consequenter neque est mala. Igitur actus odij elicitus nullam malitiam potest pro tunc à careniâ amoris sortiri, toramque proinde malitiam, quam habet, à sua entitate positiva prout operanti dissonabat.

Quinto. Nam actus amoris Dei non à careniâ actus oppositi odij præcisè, sed à sua positissimum positiva entitate enat operanti confonus, seu conueniens, atque adeo bonus in genere moris, ut est certissimum. Igitur actus odij Dei non à careniâ actus oppositi amoris præcisè, sed

sed à sua potissimum positivā entitate euadit operanti dissonus, seu disconueniens, atque adeò malus etiam in genere moris. Haud enim vlla congrua ratio excogitari potest, cur dentur actus per se positivē consoni, seu conuenientes, atque adeò boni operanti; & non dentur patiter actus per se positivē dissoni, seu disconuenientes, atque adeò mali eidem.

²²³ Sexto. Quia actus odij Dei per se ipsum est positivē injuriosus Deo independenter à carentia amoris oppositi, ut est manifestum. Ergo per se ipsum est positivē rationi dissonus, atque adeò malus independenter similiter à tali carentia. Nogari siquidem non potest, per se ipsam esse rationi dissonam, atque adeò malum injuriam Dei. Quæcumque autem dicitur sunt haecen de odio Dei, pariter de quibusvis alijs peccatis commissionis intelligendum, & illis applicandum est.

²²⁴ Septimō denique probatut id ipsum. Quia peccantes peccato quoq[ue] commissionis plerunque sunt prorsus inimicemores, dum peccant, carentia virtutis opposita, dumtaxatque subinde concipiunt ut sibi dissonum per se ipsum, atque adeò positivē actum, quem exequuntur. Igitur hæc sola ipsius actus dissonantia est illis libera, & imputabilis, atque adeò moralis; suumque proinde peccatum quatenus tale nihil priuationis inuoluit, sed purè positivum est. Et quidem, posse eos saltē, qui nostram opinionem sequuntur, concipere suum actum malum positivē malum, præcisē, nihil omnino cogitando, dum illum exequuntur, de priuatione annexa ipsi cuiusvis bonitatis opposita, indubitate est. Quo calu, cūm sola malitia concepta in actu ab operante sit ipsi libera, & imputabilis, atque adeò moralis, ut est certissimum, à sola malitia positivā absque vlla priuationis mixturā euader eiustodi actu moraliter malus.

²²⁵ Per hæc argumenta manet probatum contra plerosque ex Adversarij, malitiam peccati commissionis nequaquam consistere in priuatione actui peccati annexa aliquiū bonitatis ipsi operantib[us]. Restat probandum contra reliquos, neque consistere in priuatione actui peccati annexa aliquiū bonitatis debitis ipsi actui.

²²⁶ Quod facilius adhuc, & efficacius venit probandum primo. Quia repugnat, esse debitam actui peccati bonitatem, cuius carentia ipsi actui annexa est. Talis namque bonitas, vtpote tali actui opposita, ipsi est impossibilis; & nulli enti debitus esse potest id, quod ipsi impossibile est iuxta proposit. 1. 2. statutum q. 7. Sic actui odij Dei, & vniuersim cuius actui vitioso nullatenus est debita bonitas virtutis opposita; eaque proinde non est priuatus, sed prorsus negatus. Vnde per illius priuationem neutiquam potest illius malus euadere, ut pratendebant Adversarij.

²²⁷ Dicunt nonnulli, licet actui vitioso considerato secundūm conceptum specificum non sit debita bonitas virtutis opposita, esse tamen debitam illi considerato secundūm conceptum genericum ipsi, & actui virtuō communem; idque sufficere, ut actus vitiosus tali bonitate priuatus esse dicatur, ab eiusque subinde priuatione malus euadat. Contra tamen est primō. Quia, cūm eiustodi conceptus præcisē sumptus ad virtutem, & ad vitium, & consequenter ad bonitatem prioris, & ad malitiam posterioris indifferens sit, neutiquam bonitas virtutis potest illi præcisē sumpto debita esse. Muito ergo minus poterit esse debita illi prout iam contracto ad vitium.

Imo verò per coniunctionem cum differentiā vitij amitteret prorsus ius ad bonitatem virtutis; tametsi illud antecedenter in statu præcisionis haberet. Secundō. Quia, licet dicto conceptui genericō etiam contracto iam ad vitium bonitas virtutis debita esset, vtpote non repugnans illi considerato secundūm se: ast ipsi integro vitio, cui prorsus repugnat, nequaquam potest esse debita. Nullo ergo modo carentia talis bonitatis potest comparatione actus vitiosi dici priuatio, ut ab eā, & non à se ipso prout rationi dissono dicatur euadere malus in genere moris.

²²⁸ Id quod secundō iam venit aliter comprobandum. Quia nimis carentia, qua actus vitiosus bonitatis virtutis opposita carere dicitur, non vera, & realis, sed merè supposititia carentia est: cūm sit carentia identitatis ipsius cum dicta bonitate; & omnis carentia identitatis extremonum distinctorum realiter merè supposititia sit ex nostro modo concipiendi, fundata quoad verificationem in solis positivis entitatibus ipso-rum extremonum iuxta doctrinam vniuersalem traditam in Pharo Scient. disp. 10. q. 4. & alibi. Vnde pater, actum vitiosum nequaquam posse malum euadere per veram aliquam carentiam, nedum per veram priuationem bonitatis, quam non habet, virtutis oppositam.

Propositio 3.

Multa entia euadunt in se absolutē, ²²⁹ & positivē mala ab alijs sibi accidentibus, & adiunctis, quæ respectivē, & positivē sunt mala ipsiis.

Hæc propositio suppositis duabus præcedentibus, indubitate est. Nam, ut constat ex proposit. 3. statuta q. 7. quidquid alicui subiecto formaliter, & respectivē est malum, ipsum subiectum reddit in se absolutē malum. Sed iuxta duas propositiones præcedentes multa per suas positivias entitates, atque adeò positivē subiectis suis sunt formaliter, & respectivē mala. Ergo huiusmodi subiecta non possunt non euadere ab illis in se absolutē, atque etiam positivē mala. Sic homo à suis peccatis positivis positivē euadit in se malum homo; & animal à suis positivis morib[us] positivē euadit in se malum animal; & quodvis ens à quibusvis suis accidentibus positivis formaliter sibi disconuenientibus positivē euadit in se malum ens. Itaque, licet omne ens per essentialiam suam necessariō sit in se positivē bonum bonitatis sibi essentiali, ut contra Manichæos, & alios hereticos est statutum q. 8. hoc non tollit, quomodo multa entia per accidentia sibi adiuncta, contingenter euadant in se positivē mala malitia sibi accidentia.

Restat, ut respondeamus ad argumenta, quæ contra tres propositiones in hac q. stabilitas possunt opponi. Quorum primum, potissimumque desumitur ex auctoritate Sanctorum l'atrum, qui vbiunque de malitia quorumlibet malorum agunt, communiter docent, eam non in re aliqua, sed in aliquiū rei corruptione, sive priuatione consistere: omneque malum subinde non ab entitate aliqua, sed à defectu potius aliquiū entitatis, sive aliquiū bonitatis euadere tale. Ceterū, ut appareat, doctrinam nostram nequaquam esse contra mentem Sanctorum Patrum, duo nota tanda sunt.

Primum est, duplex esse genus malorum. ²³⁰

Ooo Alia

Alia namque sunt purè mala absque mixtione bonitatis, qualia censēbant Manichæi, & alij hæretici esse naturā suā aliqua entia producta à secundo Deo, quem confingebant malum in se, & Principium primum malorum. Sed fallebantur. Quia, cūm omnia entia sint necessariō suā naturā bona, vt contra ipsos statuimus q.8. dūntaxat esse possunt purè mala non entia, carentia vide-licet aliquæ, seu priuationes entium. Alia sunt mala non pura, sed mixta bonitate; nimirum ea entia, quæ vel ab aliquo accidente sibi dissono euadunt mala in se accidentaliter, & abſolute; vel alijs entibus sunt respectiū mala, quatenus ipsis dissono sunt, sive disconuenientia. Quæ omnia nihilominus & in se, & sibi bona sunt bonitate, essentiali, prout in eādem q.8. expositum est. Et quæ ab aliquibus accidentibus sibi dissono euadunt mala in se accidentaliter, ab alijs sibi consonis simul euadunt etiam in se accidentaliter bona. Tum quæ aliquibus alijs entibus, quibus disconueniunt, sunt mala, simul aliquibus alijs, quibus conueniunt, bona sunt.

²³³ Secundum est, ea mala respectiū, à quibus subiecta, quibus sunt talia, mala in se, reduntur, communiter solere à nobis concipi per conceptus negatiuos, sive illa positiva sunt, sive negatiua re ipsa: ob id enim illa talium subiectorum imperfectiones, sive defectus solemus communiter appellare, subiectaque ipsa ratione illorum in se defectuosa, sive imperfecta. Quippe familiare est nostro intellectui pro statu præsenti multa, quæ in se sunt positiva, per conceptus negatiuos oppositorum exprimere: sic enim indistincta dicimus, quæ sunt identificata, incorpo-rea, quæ sunt spiritualia; inæqualia, quorum unum est maius altero, &c. Sicuti etiam viceversa per conceptus positiuos, quæ in se sunt negatiua: quo pacto carentiam lucis vocamus te-nebras; carentiam visus cæcitatem; carentiam diuitiarum paupertatem, &c. Ex quo patet, quoties per conceptum negatiuum exprimimus id, quod in se posituum est, eam negationem, aut priuationem, quam talis conceptus præ se fert, non veram, sed rationis dūntaxat esse, iuxta doctrinam vniuersalem traditam in Pharo Scient. disp. 12. q.1. Et consequenter non veram, sed rationis dūntaxat esse eam priuationem, quam conceptus negatiuu[m] mali præ se fert, quando tale malum, reipsa est quidpiam merè posituum, quale sepe est, vt ostendimus.

His prænortatis, facile est in sensu legitimo interpretari omnia testimonia Sanctorum Patrum, quæ contra sententiam nostram possunt, solentque opponi. Quoties enim Patres atten-dentes (vt plerunque attendunt) ad confirman-dam veritatem catholicam de bonitate essentiali omnium entium contra errorem Manichæorum, & aliorum hæreticorum per solam priuationem, boni constituant malum, de malo vtique, quod purè malum est, censendi sunt loqui, ad mentem scilicet ipsorum hæreticorum, vt optimè notauit Lessius loco supra citato. Si quando verò de omni malo etiam mixto respicientes alio expressè loquuntur, de eo sumpto formaliter, prout per conceptum priuationum communiter concipi solet, intelligendi sunt. Quo casu priatio constituua talis concep-tus rationis tantum erit respectu malorum, qua reipsa sunt positiva; tametsi sit vera respectu aliorum, quæ priuationa reipsa sunt. Vnde veniet deprehendendum, neutiquam Patres ea, quæ dicunt, nostræ sententiaz re-

fragari. Quia etiam ratione non pauci ex Scholasticis, qui contra nos stare videntur, exponi poterunt.

Secundum argumentum contra propositiones nostras ex Recentioribus citatis n.206. breuius tamen, quam ab illis, sic potest formari. Cui nullum deficit bonum debitum, nullum patitur malum. Ergo omne malum in defectu fiat boni debiti. At omnis defectus boni debiti quid priuationum est: quia quodlibet bonum debitum est quid positivum; cūm sit de conceptu boni in gene-re converti cum ente. Igitur omne malum est quid priuationum; hoc est, constitutum formaliter per defectum, seu priuationem boni debiti. Respondeo concedendo, omne malum respectum defectum esse boni debiti, quatenus quodvis ex extremis contradictionibus dicitur defectus alterius; negando tamen, omne defectus boni debiti esse quid priuationum, & omne bonum debitum quid positivum. Mala siquidem positiva, quæ in hac questione adtriximus defectus positivi sunt suarum carentiarum, quæ bona quadam sunt priuationa, seu negativa iuxta dicta q.9. proposit.2. Vnde patet, non omne bonum converti cum ente, sed tantum bonum transcendentale, quod est enti essentiale, iuxta dicta q.8.

Tertiò contra doctrinam nostram arguitur. Malorum moralium, qualia sunt peccata, non potest Deus causa esse. Sed nequit non esse, Deus causa omnium entium positivorum. Igitur huiusmodi mala in aliquo positivo nequeunt consistere formaliter. Respondeo, Deum concurre-re quidem ad entitatem physicam actus peccati; non tamen prout ille exit à creaturā, quo solidum pacto malus est, sed tantum prout exit ab ipso Deo, qua ratione prorufus est bonus: insuper que ad ipsum vt sic concurrere Deum non à se, sed à creaturā ipsa determinatum immediate. Quo sit, vt Deus, ad entitatem physicam actus peccati concurrendo, nullatenus ad eius malitiam concurrat, nullatenusque subinde sit causa peccati, prout peccatum, & malum est. Et sane, quicunque cum actu peccati malitiam eius adquætate identificant, quantumvis eam priuationem appellant, longè difficultis, quām nos, se expedient ab hoc arguento. De quo in tract. de Peccatis, & sepe alijs plura dicuntur.

QVÆSTIO XI.

Virūm aliqua non entia. Et quenam. Et qualiter mala sint.

Supposita divisione non entis in negationem, & chymoram tradita q.9. principio sit.

Propositio I.

Omnis priatio boni debiti subiectio priuato mala est respectiū.

Hæc propositio certa est apud omnes. Constatque ex dictis q.7. proposit.8. & 9.

Ex eaque sequitur iuxta dicta ibidem proposit.3. quodvis subiectum priuatum bono quolibet sibi debito ab eiusmodi priuatione euadere in se absolute malum.

Pro.